

բերով, մէկ կողմից էլ ամբարցրած է երկկարգ հաստ պարիսպներով, բուրգերով եւ աշտա-րակներով: Բերդը կառուցել է Աշոտ Ողորմա-ծի թոռն Դաւիթ Անհոյը:

Ահա հայ մշակութային եւ քաղաքական անցեալով հարուստ մեր այդ բնագաւառն է, Տաշիրը — Լոռին, որ վրացիները իրենց երկրի սահմանների մէջ առնել են նկրտում. մի բնա-գաւառ, որի նկարագրած մասում թէկուզ նը-մուշի համար մէկ հատիկ վրացական զիւղ չկայ:

Եւ սակայն եթէ ոչ ամբողջ Լոռին, բայց նրա մի փոքր մասը Վրաստանի մէջ է գտնու-ում այժմ, մի շարք դուռ հայկական զիւղե-րով: Բուն Լոռիից այն կողմը, որ լեռնաստա-նը վերջանում է եւ հարթավայրն է սկսում, նոր ժամանակների յորժորջումով եւ թուրք-թաթարական մի ցեղի անուսով Բորչալու է կոչւում այժմ:

Այսպիսով՝ որոշապէս գտեալու է իրարուց Լոռին եւ Բորչալուն: Մէկը լեռնային է, մի-ւր՝ դաշտային: Մէկը պատմականօրէն եւ ամ-բողջովին հայկական է եղած միշտ. դա հին Տաշիրքն է: Կամ այժմեան Լոռին, թէեւ ա-ռաջինը բողբոսաբար աւելի ընդարձակ սահ-մաններ է ունեցել, քան որ արտայայտում է Լոռի յորժորջումը: Յամենայն դէպս, պատմա-կան Տաշիրքի սահմանները որչափ ինձ է յայտ-նի, մինչեւ Սրամ գետը չեն հասել: Այս պատ-ճառ չէ հարկաւ, որ հայկական պահանջները այսօր Սրամի աջ հովիտն եւս չընդգրկեն, քա-նի որ վարչական եւ պետական սահմանադը-ծումների խնդրում ոչ թէ պատմական, այլ իրական-ցեղադրական տուեալները հաշուի առնելու է եւ ամենից առաջ՝ ազգաբնակու-թեան կամքը:

Բոլոր պարագաներում՝ գազափարնների շիոթութիւն չառաջացնելու համար՝ անհրա-ժեշտ է, որ շատ որոշ կերպով իրարուց տար-բերե՛նք Լոռին եւ Բորչալուն, ճիշդ այնպէս, ինչպէս որ ժողովուրդի բերնում կատարւում է այդ: Լոռի, լոռեցի եւ Բորչալու, բորչալուե-ցի բառերը ժողովուրդը խիստ տարբերում է իրարից:

Լոռին — դա լեռնաստանն է, — Յովհան-նէս Թումանեանի սղինների աշխարհը, (եւ նրա

ճննդավայրը) ձորերի ու խոր հովիտների, լեռնակատարների ու դարաւանդների երկիր, անտառներով եւ արօտներով՝ հարուստ: Ար-ուեցին — դա բնութեան դրկում ապրող սարե-ցի անտաշ հայն է: Բորչալուն, ընդհակառա-կը, — դա դաշտագետին է, անվերջ հարթու-թիւն: Բորչալուեցին էլ — դա ոչ միայն կամ ոչ այնչափ դաշտեցի հայն է, այլ եւ ու մանա-ւանդ՝ դաշտեցի թուրքը, բաւական աւագա-կաբարոյ: Բոլոր պարագաներում՝ բորչալուե-ցի բառի տակ ոչ որ վրացի չի հասկանայ, այլ՝ հայ կամ թուրք: Եթէ ուրեմն ցեղադրա-կան տեսակէտից Բորչալուի պատկանելիու-թեան մասին վէճ լինել կարող է, ապա ու-րեմն՝ միայն հայի եւ թաթարի մէջ: Իսկ այ-սօր նրան վրացին է տիրացած:

Լոռի եւ Բորչալու յորժորջումները իրա-րուց տարբերելու է նաեւ քաղաքական տեսա-կէտից: Մինչեւ այսօր էլ վրացիք — անչուշտ գիտակցաբար — երբեք բերանին չեն առնում Լոռի անունը, այլ դորձ են ածում միայն Բոր-չալու արտայայտութիւնը, դրա տակ հասկա-նալով ոչ միայն բուն Բորչալուն (դաշտը), այլ եւ Լոռին (լեռնաստանը):

Ուրիշ խօսքով՝ Բորչալու ասելով նրանք հասկանում են ցարական կառավարութեան օ-րով գոյութիւն ունեցող Բորչալուի գաւառը. մի մասնակի անուն (դաշտային գաւառամա-սի), որ ընդհանրացել էին ամբողջի համար (Լոռին էլ մէջը լինելով, թէեւ վերջինս տա-րածութեամբ ու բնակիչների թուով յետ չէր մնում առաջինից):

Այսպէս ընդհանրացնելով Բորչալու յոր-ջորջումը ու բնաւ չյիշատակելով Լոռին, վրա-ցիք ուզում են հասկացրած լինել, թէ Լոռի ասածդ որպէս առանձին հոգամաս գոյութիւն էլ չունի, թէ՛ դա մի մասնիկն է իրենց, վրա-ցական Բորչալուի: Դրանով ուզում են նաեւ ասած լինել՝ լա՛ւ, եթէ հայերը վէճ են յա-րուցում «Բորչալուի գաւառի» մասին (ի՛նչ սիրով են նրանք կառչած մնում ցարական յոր-ջորջումներին եւ սահմանարժանումներին), մենք «պատրաստ ենք» ընդառաջ երթալու, հայերին «զիջելով»՝ «մեր Բորչալուի» հարա-ւային մասը (առանց Լոռի անունը տալու): Ուրիշ խօսքով՝ նրանք «մեծահոգաբար» Հա-